




Copia in hoc volumine complura
 Briefe von Carl v. Saxe m. 82. m. 46. d. 17.
 Briefe von Elisabeth m. 28. m. 46. d. 17.
 Briefe von Wolfm. v. Saxe m. 39. m. 46. d. 17.
 Curia Gratulatio in natali Joh. Georgij P. A.
 Briefe von Johann Georg m. 46. d. 17.
 Briefe von Johann Georg m. 46. d. 17.
 Briefe von Christian v. Saxe m. 46. d. 17.
 Briefe von Eua m. 46. d. 17. Tab. 3.
 Briefe von Maria v. Saxe m. 46. d. 17. Tab. 2.
 Briefe von Anna Sophia m. 46. d. 17. Tab. 1.
 Briefe von August. D. Nicola. Saxe.
 Briefe von Johann Georg m. 46. d. 17. Tab. 4.
 Briefe von D. Johann m. 46. d. 17. Tab. 2.
 Briefe von Anna Juliana m. 46. d. 17.
 Briefe von Maria von Lamb. Johannes Philippus Maylay.
 Briefe von Jacob. Saxe D.
 Briefe von Johann Georg m. 46. d. 17.
 Briefe von Johann Georg m. 46. d. 17.
 Briefe von Anna Craxius. Georg. m.
 Briefe von August. D. Tiber. Hoffm.
 Briefe von Hans Saxe m. 46. d. 17.
 Briefe von Johann Georg m. 46. d. 17.
 Briefe von Johann Georg m. 46. d. 17.
 Briefe von Johann Georg m. 46. d. 17.
 Briefe von Johann Georg m. 46. d. 17.

Nee 11







[Faint, illegible handwritten text visible along the left edge of the page, likely from the reverse side or an adjacent page.]



EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.

X

Handwritten text visible along the left edge of the page, likely bleed-through from the reverse side. The text is partially obscured and difficult to decipher, but appears to be a list or index of entries.



Handwritten text visible on the left edge of the page, likely bleed-through from the reverse side. The text is partially obscured and difficult to read, but appears to be a list or index of entries.



7. 2
3

Von den Letzten

Worten vnfers lieben Herrn vnd
Heilands Ihesu Christi / in dem hei-
ligen Euangelisten
Mattheo

Ein Tauffpredigt vber der Christli-
chen Tauff / des Hochgebornen Frewlings Eli-
zabeth gebornen Fürstin zu Anhalt etc. Gesche-
hen vffm Schlos zu Zerbest / Montages
nach Michaelis / welches war
der 4. Octobris.
im Jar.

1 5 6 3.

Durch M. Abraham Ulrich von
Granach Pfarherrn zu S. Bartho-
lomes in Zerbest.

Gedruckt zu Witteberg durch
Lorenz Schwenc.

Dem Ehrwürdigen

und Wolgelarten Herrn M. Abra-
hamo Ulrich von Granach Pfarherrn der
Kirchen in Zerbest zu S. Bartolmes/
meinem lieben Landsman
und Bruder.

Dittes gnade/ segen/ und
trost durch seinen ewigen Son
vnsern einigen Mitler/ Versöner/
und Helffer zuvor/ Ehrwürdiger
Herr Pastor/ geliebter Bruder/
ewre gefehrliche Franckheit ist
mir ehe nicht kund worden/ bis
ich aus ewrem selb schreiben erfahren habe/ das
euch der gütige Gott gnediglich dieselben also ge-
lindert und gewendet habe/ das jr widerumb
ewers ampts und Beruffs werck ausrichten kön-
net/ dem ich neben und mit ewrer Christlichen
gemein und Pfarrkindern von grund meines her-
tzen inniglichen dancksag/ und in ferner anruffe/
und bitte/ das er euch/ als einen nützen Werck-
zeug zur erbarung seiner Kirchen/ Und den
Durchleuchten Hochgebornen Fürsten und
Herrn/ des Löblichen Fürstlichen Hauses zu
Anhalt/ meinen gnedigen Herrn die euch/ wie
mir wissentlich/ mit sonderlichen gnaden geneiget
sind zu vnterthenigen diensten und zu trost/ len-
ger in

ger in diesem leben erhalten / auch an Seel vnd
Leib stercken wölle / auff das jr der Kirchen lange
zeit vorstehen / vnd solcher tröstlicher Predigt viel
thun können / wie diese Tauffpredigt ist / so jr mir
vor wenig tagen zu geschickt habt / welche ich mit
lust vnd freuden verlesen / auch trost vnd nütze er=
innerung daraus geschöpfft habe / Derwegen ich
so bald mit dem Buchdrucker gehandelt / dersel=
ben etliche hundert Exemplar in druck zunerfer=
tigen / damit diese trostreiche Predigt vielen Gott=
liebenden hertzen könne mitgeteilet werden / Wie=
wol der Drucker klaget / das jm dergleichen Ser=
mones bisweilen langsam abgiengen / vnd scha=
den brechten / wie jtz die Welt des Worts (leider)
vbersatt vnd vberdrüssig worden ist / vnd lassen
sich jr seer viel bedüncken / sie haben es nu gar
aus studieret / vnd wissen es alles vberflüssig /
vnd haben nichts mehr zu lesen lust oder neigung /
denn wenn etwas sonderlichs vnd neues herfür
komet / oder schmehebüchle ausgestrewet wer=
den / da platzen solche sichere tieffgelerte Geister
bald zu / Vnd reissen sich drum / lesens mit hasti=
gem ernst / lust vnd begier / vnd fangen nachmal
an / von den schwerste Artickeln zu disputiren / vnd
von getrewen dienern der Kirchen / auch von jren
eigenen Seelsorgern vnd Lerern vbel zu geden=
cken / zu reden / zu argwonen vnd zu klagen / bis
sie endlich dem gantzen Predigamt feind werde /
vnd anheben von der gantzen Eere des Euangelij /
oder von den fürnemesten stücken derselbigen / vn=
gewis / verwirret / vnd zweifelhaftig zu werden.
Das ist denn eine straff solches eckels vnd vber=
drüsses

drusses / ob der reinen Lere / vnd der vnordentli-
chen lust vnd freude ob newen Opinionen / vnd
Zanckschriefften / die sol nicht anders / denn auff
solche weise gesettiget vnd gebüffet werden.

Andere Gottfürchtige Christen aber / die
Gottes wort lieb haben / vnd von den heiligen
Sacramenten / als ires Herrn sonderlichen gna-
den Zeichen / viel vnd gros halten / werden solche
ewer / vnd anderer trewen Lerer nütze schriefften
dennoch lesen / vnd nach empfangenem gutem
vnterricht / vnd mercklichem trost / dieselbe lieb
vnd werd haben / vnd Gott dafür dancksagen /
Vnd ob sie gleich wissen / das andere zuvor auch
dergleichen von eben diesen stücken der Christli-
chen Lere geschrieben haben / Dennoch weil sie
vnd ein jeder verstendiger bekennen müssen / das
die Göttliche Weisheit / vnd Güte / die er in offen-
barung seines Euangelij / vnd stiftung der heili-
gen Sacramenten gebrauchet / vnd bewisen hat /
von keiner Menschlichen oder Englischen weis-
heit gnugsam kan erforschet / oder ausgegründet
vnd ausgesprochen werden / lesen frome hertzen
auch anderer reiner Lerer schriefften / vnd finden
gemeiniglich etwas / das sie des jenigen erinnert /
so inen zuvor nicht ist eingefallen / Wie denn der
C X I. Psalm auch saget: Gros sind die werck
des H E R R N / wer jr achtet / der hat ei-
tel lust dran / das ist / Je mehr einer den Gottes
wercken vnd stiftungen nachdencket / nachfor-
schet / vnd achtung darauff gibt / je lenger je
mehr findet er / das jm lust / freude vnd verwun-
derung

berung macht / ob der vnerforschlichen weisheit
vnd gütigkeit Gottes / die er vns armen Menschen
in allen seinen stiftungen / vnd sonderlich der
hochwürdigen Sacramenten erzeiget hat / vnd
wil / das wir derselben solle nachdencken / vnd war
nemen. Darumb ich dieses ewer Christlich werck
vnd arbeit / damit jr die würdigkeit vnd nutzbar=
keit der heiligen Tauff erhaben / vnd gepreiset
habt / billich vnd gern in den druck gefördert hab /
das derselben viel fromer hertzen geniessen mö=
gen / vnd daraus gebessert werden. Wil auch euch
hiemit vermanet vnd gebeten haben / das jr die
vorige ewre Tauff vnd Leichtpredigten / die eintz=
lich im druck sind ausgegangen / durch gnedige
hülff vnd verlag der Hochgedachten Fürsten vnd
Herrn zu Anhalt / mit der zeit zusammen drucken
lassen wöllet / dazu Euch Gott das leben fristen /
vnd an Seel vnd Leib sterck verleihen wölle / das
jr lange zeit dergleichen arbeit viel vns mitteilen
köndt.

Wille auch die Durchleuchte Hochgebore=
ne Fürsten vnd Herrn des alten Hochlöblichen
Hauses zu Anhalt gnediglich regieren / schützen /
vnd dermassen segenen vnd vermehren / das sol=
che ewre arbeit / auch in etlicher Junger Herrn /
jrer f. G. Sönnen Tauffe / müsse gebraucht / vnd
mit der Unterthanen vnd vieler anderer Leut
höchsten freude vnd dancksagung möge ausge=
breitet werden. Datum Witteberg / Anno 1563.
am 18. tag Nouembris.

Paulus Eberus Kitthin.
Pastor Eccl. Witteberg.
Dem

*Hoc uolum non
fuit uolum.*

Dem Durchleuch-
ten/Hochgebornen Fürsten vnd Her-
ren / Herren Joachim Ernten / Fürsten zu
Anhalt/ Grauen zu Ascanien/ Herren zu
Zerbest vnd Berneburg / Meinem
gnedigen Fürsten vnd
Herren.



Gnad vnd Fried von Gott
durch Christum. Durchleuch-
ter/Hochgeborener Fürst/Gne-
diger Herr/Vff E. J. G. be-
fehl/habe ich auch diese Pre-
digt gefertiget / vff das nach
dem willen Gottes / E. J. G. hertz liebstes
Töchterlin / Frewlin Elizabeth / sich die tage
jres lebens jrer Christlichen Tauffe / als des
Gnadenbunds / den sie mit Gott gemacht /
daben zu erinnern hette. Bin auch vff E. J.
G. begeren / für mein person / dieselbige zu
publiciren deste williger gewesen / vff das ich
dem getrewen Gott/widerumb nach meinem
armen vermögen/ein schuldig Dankopffer/
in der Gemein öffentlich bezalet / dieweil ich
durch der Gemein Christlich gebete / dama ls
dem

dem Todte noch ein zeitlang entrissen. Der
getrewe Gott wölle E. J. G. Frewlin alle
dren / als seine hertz liebe Kinderlein / umb
seines allerliebsten Sons Christi willen / den
sie in der Tauff angezogen / ewiglich lieben /
regieren vnd selig machen / Vnd gnade ver-
leihen / das E. J. G. sampt irer geliebten Ge-
mahle / an inen viel Ehre / vnd ires hertzen
lust / freud vnd wonne / erleben / vnd als an
dreien / von Gott selbs gecontrafeyten Gratijs
lange zeit anschawen mögen / Auch diesel-
bigen von Gottes wegen / welches Ebenbilde
vnd geschencke sie sein / von hertzen lieb vnd
werd haben / vnd zu Gottes erkentnis vnd
furcht / treulich erziehen mögen. Dadurch
wird Gottes segen / off E. J. G. bestetiget / vnd
off sie erben / Wie sich denn Gott an solche lie-
be vnd trewe / mit segen vnd leben verbunden
hat / Der wölle E. J. G. hertz auch ferner
mit gnaden vnd segen erfüllen / wie der 20.
Psalm sagt: Tribuat tibi DOMINVS se-
cundum cor tuum, & omnes petitiones tuas
impleat, Amen. Datum Zerbest off Gallis

Anno 1563.

E. J. G.

untertheniger Diener

in Gottes wort

M. Abraham Ulrich.

Von den letzten
worten vnsers lieben **HERN** vnd
Heilandes **Jhesu Christi** / im
Euangelisten **Mattheo.**

Matthæi vltimo.



Mir ist gegeben alle gewalt /
in Himel vnd Erden. Darumb
gehet hin / vnd leret alle Völcker /
vnd teuffet sie im Namen des
Vaters / vnd des Sons / vnd des heiligen
Geistes. Vnd leret sie halten / alles was
ich euch befohlen habe. Vnd sihe / Ich bin bey
euch alle tage / bis an der Welt ende.



Wan pflegt zu sagen / vnd ist ein
gemein Sprichwort: Wenn das
ende gut ist / so ist alles gut. Da-
rumb beschliessen alle drey Euan-
gelisten / Mattheus / Marcus vnd
Lucas ire Euangelia mit diesem schönem Euan-
gelischem vnd aller tröstlichsten Text / von der
Himelfart Christi / vnd mit dem Göttlichen be-
fehl / das Euangelium allen Heiden vnd Völ-
ckern zu predigen / vnd durch dasselbige alle Men-
schen

schen zu vnterweisen / vnd in die himlische Bür-
gerschafft / da Christus nun ist / anzuleiten vnd
zu führen / vnd durch die heilige Tauff jederman
der Erbschafft des ewigen lebens / der gegenwer-
tigkeit Christi / vnd aller ewiger vnd zeitlicher
wolfart / bis an das ende der Welt zuuersichern.

Vnd malen die Euangelisten vnsern **HERN**
Christum / am ende irer Euangelien on zweuel da-
rumb / mit so einem schönen / lieblichen vnd freund-
lichem anblick / auff das / ob vielleicht blöde Ge-
wissen etwas hartes oder erschreckliches aus al-
len vorgehenden Predigten / vnd Historien Chri-
sti ingenomen / vnd darüber betrübt weren / das
dieselbigen auff diesen endlichen beschlus sehen /
vnd daraus lerneten / wie Christus dennoch war-
haftig im grunde seines hertzen / vom Anfang
bis zum Ende / gegen alle Menschen gesinnet / vnd
die Regel fest bliebe: *Finis omnis scripturae est consolatio*, das ist / Alle Schrifften sollen endlichen zu
trost gedeien / Wie geschrieben stehet: Diese ze-
chen alle sind darumb geschrieben / auff das ir
glaubet / **Ihesus sey Christus** / vnd das ir durch
den glauben das leben habet / in seinem Namen /
Johan. 20. Item / Was aber geschrieben ist / das
ist vns zur Lere geschrieben / auff das wir durch
gedult vnd trost der Schrift / hoffnung haben /
Rom. 15.

ES hat aber vnser **HER** Christus mit die-
sen Worten die heilige Tauff nicht aller erst itzund
eingesetzt / da er gegen Dimel fahren wil / Sone-
dern itzund vnd hiemit dieselbige / so nu bereit vier
gantzer

Finis omnis scripturae 31.

*An Baptismus von p. 1.
mit i. d. h. l. b. g. Chri-
stus in g. d. h. l. b. g.
w. l. l. l.*

gantzer Jar im Jüdischen Lande / in vollem
Schwang gegangen / bestetiget / vnd ferner vnter
die Heiden / vnd in alle Sprachen / Nation vnd
zungen der gantzen Welt öffentlich zu publici-
ren / befohlen / auff das einmal endlichen das
Euangelium vnd Sacramenta des Newen Tes-
taments / in die gantze Welt aus den Jüdischen
Grentzen sich ergössen / vnd ausschwaleten /
Gleich wie der flus Nilus zu seiner zeit im Meyen
in seinen Terminis vnd Ufern nicht bleiben kan /
sondern erguisset sich / vnd bedeckt das gantze
Land mit Gewisser / dauon denn die Erde erfeuch-
tet / vnd fruchtbar gemacht wird / dieweil es son-
sten in Egypten nicht regnen sol. Vnd diese zeit
vber hatte nicht Johannes allein / sondern auch
die Jünger des HERRN Christi / diese Ceremonia
so gemein gemacht / vnd so viel Menschen ge-
taufft / das sie auch von Johannis Jüngern dar-
rumb geneidet werden / Ja / das der HERR selb-
best derwegen dem Dafs der Phariseer / so vmb
Johannem eiferten / ein zeitlang in Galileam
entweichen muste / Johan. 3. 4.

Als fenglichen aber erweckte Gott den hohen
trefflichen Man / Johannem den Teuffer / diese
hochwürdige Ceremonia auff die Ban zu brin-
gen / vnd ins werck zu setzen. Derhalben er nicht
allein / wie die vorigen Propheten / von Gott
selbs / immediate / mündlich vnd on mittel beruffen /
Wie der Text saget: Factum est uerbum DOMINI
super Iohannem filium Zachariae in deserto. Das
ist / Gott redet selbs mündlich mit Johanne /
B ij vnd

vid. na

*D. i. j. h. l. Chri. vs
caetera p. s. i. o. r.
Chri. baptis. sum.*

*Das i. j. h. l. v. n.
Johannem Teuffer.*

*Sinnlich a. d. d. d.
7. 8. 9.*

vnd befohle jm / öffentlich vffzutretten / zu predigen / vnd zu teuffen: Sondern er hat auch Ehre vnd zeugnis / vber alle andere Propheten / Mo-
sem / vnd Eliam / Ja er wird allen Menschen / von Weibern geboren / durch Christum selbs / fürgezogen / Matth. II. Denn in jm solte Mo-
ses / mit alle seinem alten Leuitischen Catechismo / Gottesdiensten / vnd mit der Gesellschaft aller lieben Propheten / veralten vnd vergehen / wie die lieben Sternen am Firmament / nach einander verbleichen vnd verschwinden / die des Nachtes gar herrlich geleuchtet haben / So bald der liebe morgen anbricht / vnd nach welchem allen / endlichen auch / der schöne / helle / vnd liechte Morgenstern sich verleuret / wenn die liebe Sonne vffgehet / der doch zuuorn seinen glantz / vber alle andere Sternen gestreckt / vnd am aller lengsten geleuchtet hat / Wie er denn selbs dauon sagt : Hunc oportet crescere, me autem minui, Iohan. 3.

DJeweil denn also die heilige Tauffe / von den allertrefflichsten vnd heiligsten Männern eingesetzt / angefangen / vnd bestetiget / die vff Erden jemals gewesen / Nemlich / von Christo Ihesu / dem Son Gottes selbs / vnd von Johanne dem Teuffer / vnd durch dieselbige Mo-
ses / vnd alle Propheten / vnd das gantze alte Testament vffgehoben wird : Derhalben wil ich itzund / kurtz vnd einfeltiger meinung / ein wenig reden / von dem herrlichen Mandat Göttlicher Maiestet / durch welches diese Ceremonia / neben der Predigt des heiligen Euangelij / im
neuen

newen Testament allhie bestetiget / vnd fort hin
der Christlichen Kirchen / bis an der Welt ende /
von Christo selbs / vertrauet / commendiret vnd
befohlen wird.

Zum andern / Was denn für grosser son-
derlicher nutz vnd frome / den Menschen aus der
Predigt des Euangelij / vnd dieser Ceremonia
entstehe.

Und zum dritten / was wir Christen auch
widerumb für solche grosse wolthaten / Gott für
dienst vnd danckbarkeit / zu erzeigen verpflichtet
vnd schuldig sein.

Vom ersten Stück.

Von dem Göttlichen Mandat / durch wel-
ches der Kirchen das Euangelium /
vnd die heilige Tauffe / vertrau-
et vnd befohlen ist.

Eristlichen / wenn Keiserliche / Königli-
che / oder Fürstliche Mandat sollen publi-
cirt werden / pflegt man im anfang der-
selben Potentaten Namen zu setzen / auch die
Namen irer Keiserthumb / Königreich / Für-
stenthumb vnd Herrschafften / vff das dieselbi-
gen herrlichen Tittel / den Vnterthanen / das vol-
gende Mandat / deste herrlicher insinuiren / Vnd
das man sehe / das Gott dennoch in der Welt /
noch Regiment vnd ein macht erhalte / die fromen
zu schützen / vnd der vngerechten gewalt vnd mut-

B ij willen

willen zu stewarten / Wiewol leider viel Potentaten
derselbigen macht vber die massen vbel misbrau-
chen zu allerley wollust / hoffart / grossem mut-
willen / vnd grausamer Tyranny. Wie wir denn
mit schmerzen bisher gehört vnd erfahren ha-
ben / was für grossen frenel / gewalt vnd Tyran-
ney nicht allein der Türck vnd Moscouiter geü-
bet / Wie erbermlichen sie manchmal viel tausent
vnschuldige Menschen ermordet / vnd gefengli-
chen hinweg gefüret / Sondern was auch sonst
auff die Vnterthanen hin vnd wider / gedrungen
wird / Darüber denn Gott verhenget / vnd lessets
gehen / von der Sünden wegen des Volckes.

Titel

Aber hie tritt ein Man mit namen herfür /
vnd heisset Ihesus Christus von Nazareth /
Marien Son / krefftiglich erwiesen durch die auf-
ferstehung von den Todten / durch die verheissung
vnd sendung des heiligen Geistes / vnd vnzelige
zeugnis vnd wunderwerck / das er auch des Le-
bendigen Gottes Son / vnd der gantzen Welt
einiger Heiland vnd Messias sey / vnd füret ei-
nen solchen Titel / für welchem alle Monarchen
vnd Tyrannen vff Erden / erschrecken / vnd des
sich kein Engel Gottes / vnd keine Creatur in Hi-
mel vnd vff Erden / anmassen darff / vnd spricht:
Mir ist gegeben alle gewalt im Himmel vnd
Erden.

Moscouiter
musca

Gegen diesem Tittel / vnd vnaussprechli-
cher gewalt / ist der Muscouiter mit all seiner rü-
stung vnd gewalt nicht eine Musca / das ist / eine
Fliege

Fliege zu rechnen. Ja aller Römischen / Türckischen / vnd anderer Keiser / Könige vnd Potentaten gewalt / wenn sie gleich alle ire macht / alles Kriegsvolck / Rüstung / Geschütz / Munition / vnd Artalarey zu Lande / vnd daneben all ire Armada zu wasser / zusammen brechten / vnd wolten beweisen einmütiglichen / das noch ein macht in der Welt were / So were es doch gegen / vnd wider diesen HErrn / alles nichts / vnd viel geringer / denn wenn eine arme / elende Schnecke an der Erden daher krecht / spitzet ire Hörner / vnlesset sich bedüncken / sie sind so steiff / das sie damit durch eine stehelin Mauer lauffen könne / vnd ist dazu irer gestalt halben / auch ein schwarztzer / grewlicher / vnd giftiger Wurm anzusehen / Aber so bald das arme elende Thierlin / mit den Hörnern / nur etwan an ein kleines Greslin rüret / so erschrickts / zeucht die Hörner an sich / hufert sich vber einen hauffen / vnd ist alles trostes vnd zorns vergessen. Also lecherlich / verächtlich vnd spöttlich / ist alle macht vff Erden / wider diesen HErrn. Derhalben er denn manchmal droben im Himel sitzet / vnd lachet der grossen torheit / der irrdischen Potentaten / Wie der 2. Psalm sagt: Dominus autem irridebit & subsannabit eos. Vnd wenn er sie ein wenig sawer ansichet / von stunden an sind sie conturbiret vnd bestürztet / Erzürnet er aber / So erwartet keiner sein / sondern leufft einer hie / der ander dort hinaus / Wie der Poet sagt: In diuinis terroribus, etiam Deorum filij fugiunt.

Vnd zwar / ist dis die geringste gewalt / die

*Similia in te, tu.
ding.*

12

Die dieser Herr gegen Menschen vff Erden vben
kan. Das aber ist allererst eine hohe treffliche
gewalt/das er sagt / im sey auch alle gewalt im
Himmel gegeben. Ein einiger Engel Gottes / ist
so starck vnd gewaltig wol / das er aus befehl
vnd verhengnis Gottes / alle Menschen / in einer
nacht künde vffreumen vnd erwürgen / Ja / ein
Teuffel künde solchs wol thun / welcher macht
dennoch durch den fall geschwechet ist / vnd sind
dennoch die starcken Engel Gottes nicht all-
mechtig / sondern nur Creaturen dieses allmech-
tigen Herrn / der sie alle mit einem wort ge-
schaffen hat / Darumb sich denn für seiner Ma-
iestet vnd macht / auch demütigen aller Engel
Chöre / Cherubim / Seraphim / vnd wie sie heis-
sen / Stehen für im / mit grossen Heerscharen /
wie Daniel 7. sagt: Tausent mal tausent dienen
im / vnd zehen mal hundert tausent stunden für
im. Vnd wenn er seine herrligkeit vor inen leuch-
ten leset / bedecken sie jr angesicht / für der grossen
Maiestet / fallen nider mit Lobgesang / ruffen /
vnd schreien einander zu / mit grossem geschrey /
in aller furcht vnd demut / Heilig / heilig / heil-
lig / ist der Herr der Gott Zebaoth / Esa. 6.
Vnd sind begirig / vnd bereitet alles mit lust /
frend vnd frolocken auszurichten / was sie im
gefellig vermercken / in dem sie sein Angesicht
teglichen anschawen.

Von dieser gewalt vnd herrligkeit zeugen
auch diese sprüche / Psalm 8. Du hast alles seinen
füssen vnterworffen / vnd Psalm. 110. Setze dich
zu mei-

zu meiner rechten. Item Matth. 11. Alles ist
mir vbergeben von meinem Vater. Johan. 16.
Alles was der Vater hat / das ist mein. Philip. 2.
Diesen hat Gott erhöhet / vnd hat jm einen Na-
men gegeben / der vber alle namen ist / das in dem
namen Ihesu / sich beugen sollen aller der Knie /
die im Himel / vnd auff Erden / vnd vnter der Er-
den sein / vnd alle Zungen bekennen sollen / das
Ihesus Christus / der Herr sey.

Also redet auch Apoc. 1. von seiner gewalt /
die er vber die Helle hat / Ich habe die Schlüssel
der Hellen vnd des Todes / das ist / gewalt vber
Sünde / Tod / Teuffel vnd Helle / welcher er den-
noch in seinem Tittel nicht gedenccken wil / Denn
wo Christi gewalt gehet / da sind alle Teuffel
vff einem hauffen / nicht des vermögens / das sie
einem vnuernünftigen Thiere / geschweige denn
einem Menschen / künden ein Har krümmen.
Darumb lesset er auch dieses alles / als eine elende
gewalt / aussen / als were sie nicht werd / das siem
in seinen grosmechtigsten / ja allmechtigen Tit-
tel eingezogen würde. Das sey also erstlich von
dem Namen vnd Tittel / dieses Herrn gesagt /
ehe denn wir das herrlich / Göttliche Mandat /
volgend anhören.

Nach dem Tittel / pflegt man die jenigen
zu nennen / denen das Mandat sol vffer-
legt werden. Vnd also nennet Mattheus
allhie / Alle Heiden: Marcus aber fasset alles zu-
samen / Jüden vnd Heiden / vnd sagt / Das dis
Mandat / alle Creaturen angehe.

C Was

*con
Nomina qd
in unguis
manu*

Summa E. 4.

Was sollen sie denn thun alle zu mal?
Da kumpt nu der inhalt des Göttlichen Man-
dats / Sie sollen alle zumal das Euangelium
hören vnd lernen / vnd sich teuffen lassen. Was
sagt denn das Euangelium? Es verkündi-
get vergebung der Sünden / Gottes gnade
vnd Barmhertzigkeit / vnd verheisset den heis-
ligen Geist / vnd ewige gerechtigkeit / allen Men-
schen vff dem gantzen Erdboden / vnd versich-
ert alle dieselbigen / der Erbschafft des ewigen
Lebens / die inen widerfahren sol / So war als
Gott lebet / der diesen Himel / vnd diese Erde ge-
schaffen hat / die wir mit augen / noch für vns ste-
hen sehen / wenn sie nur allein Christum für iren
Herrn / Heiland vnd Messiam / erkennen vnd
annemen. Vnd solche Güter bietets vmb sonst /
aus lauter gnaden / den Menschen an / dieweil
sie es nicht verdienen können / one einiges anse-
hen der Person / Es sey Jude / Heide: Man /
Weib: jung / alt: Kranck / gesund: hoch / nider:
Edel / vnedel: Fürst oder Bawer / das wil Mar-
cus / mit dem wort / Allen Creaturen / Als wol-
te er sagen: Diese gnade ist so reich / vnd so
vberschwenglich / wens möglich were / das
auch die vnuernünftigen Thiere / Laub vnd
Gras / die Blumen vff dem Felde hören kün-
den / vnd lernen wie die Menschen / so solte inen
Gottes güte / durchs Euangelium angeboten
werden / Warumb wolte sich denn ein einiger
Mensch daraus schliessen / so doch Gott alle
Menschen / zu diesem erkenntnis vnd Ehren / ge-
schaffen vnd erkauft hat. Ah wie eine schöne /
herrs

herrliche Commendation / des vberschwengli-
chen Reichthums / Göttlicher gnaden vnd
Barmhertzigkeit.

SO mus aber das Euangelium geleret/
geprediget / vnd ausgeschrien werden / durch die
jenigen / denen es befohlen wird / wie der HERR
im Marco zu den Jüngern sagt / κηγύσατε / das ist /
Ruffet vnd schreiet's aus / Denn das Euangelium
ist ein solche Lere / die da nicht in vnserm Garten
wechset / die vns nicht natürlichen angeboren /
noch in dem Rauchloch der verderbtē Vernunfft /
von aller Heidnischer / Menschlicher / vnd Engli-
scher weisheit / wie hoch oder tieff dieselbige sich
erstreckt / erfunden / oder erdacht werden kan /
Sondern man mus es durch ein new geschrey
lernen / welches der vernunfft vnerhört vnd vnbe-
kand / vnd durch den eingebornen Son Gottes /
aus dem Schoß des Vaters / vom Himel herab
gebracht / vnd den Menschen geoffenbaret wor-
den ist / Johan. 1. Dis ist die Summa des Gött-
lichen Mandats.

MAn pflegt sich auch in grossen treffli-
chen Donationibus, Feudis, Testamentis, vnd
dergleichen vor dem Dato vff gewisse le-
bendige Zeugen zu referiren / welcher namen vnd
zal / nach Bürgerlichen Rechten / siebene / Nach
alten Jüdischen gewonheiten aber / in solenni Te-
stimonio / zwölf / ausgedruckt werden. Also
redet hie Christus auch mit den zwölf Aposteln /
die er selbst immediate / mündlichen / zu diesem
zeugnis beruffen (wiewol Judas von jnen aus-
C ij gefal-

Testis h
mandat' m
contractus.
7 hofus s
12 s
sinn.

gefallen ware) Beneben diesen zwölffen / hat er
aber auch LXXII. Discipulos erwelet / vnd bes-
ruffen / Das also dis zeugnis / im Jüdischen Lan-
de / nicht allein vff sieben / oder zwölffen / auch
nicht vff sieben vnd zwölffen / Sondern vff sie-
ben mal zwölffen / das ist / vff LXXXIIII.
Zeugen stünde / welche alle zu mal / zu diesem
zeugnis / von Christo dem Son Gottes / on mittel
mündlichen beruffen / vnd von dieses zeugnis
wegen / von im mit weisheit / mit dem heiligen
Geist / vnd krefftigen thaten / für allen andern
Menschen vff Erden / sind gezieret gewesen / vnd
endlichen alle / mit grossen hauffen ausgesand /
vnd vom heiligen Geist getrieben worden / dis
Zeugnis in die gantze Welt aus zu schreien.

*Datum Tempus
locus.*

NB folget das Datum / zeit vnd ort /
wenn / vnd wo dieses Mandat erstlichen
publiciret vnd ausgegangen / Als nemlich
chen zur zeit / da Christus Gottes Son / vier-
tzig tage lang / nach seiner vfferstehung von den
Todten / vff Erden vmb wandelt / welches frei-
lich die herrlichste vnd lieblichste zeit gewesen /
dergleichen zuorn kein Prophet / oder Heilige
Gottes / mit augen gesehen hat / vnd sind bene-
ben im / viel tausent / so auch von den Todten war-
hafftig vfferstanden waren / sichtbarlichen / vnd
in irem warhafften fleisch vnd blut / vff Erden
vmbgangen / vnd von denen Menschen / wesent-
lich gehöret vnd gesehen worden.

Ad dem / so geschicht solche Publicatio /
erstlich

erstlichen in Galilea / welches die Grentze zwis-
schen Juden vnd Heiden war / Dieweil forthin
aus der Jüdenschafft / auch vnter die Heiden das
Euangelium mit der Tauff / solte ausgeruffen
werden. Vnd eben vff dem heiligen Berge Tha-
bor / da er zuuorn seine herrligkeit den dreien für-
nemesten Aposteln gezeiget / dauon ich in der
Tauffpredigt vorm Jar gesaget / Vnd itzund
abermal mehr denn 500. Brüder zeiget / deren ein
gros teil zun zeiten Pauli / noch am leben gewe-
sen / 1. Corin. 15. Ist auch solch Mandat her-
nachmals repetiret worden / da er letzlichen mit
dem grossen hauffen seine Apostel / Jüngern / ei-
nes grossen anhanges vom Volcke / vnd aller de-
ren / so mit im von den Todten vfferwecket / von
Hierusalem nach Bethanien an den Olberg ge-
het / die Jünger vnd das Volck gesegenet / vnd
sichtbarlichen mit einem grossen hauffen vffge-
hoben wird / vnd den Himel einnimet / Darauff
denn der Olberg / der vor Hierusalem gegen dem
Morgen ligt / vnd darauff seine Füße gestanden /
sich mitten entzwey spaltet / Wie Zacharias 14.
gesagt hatte / vnd daraus heilsame flüsse des Le-
bens fließen / nicht gen Hierusalem / Judea vnd
Samaria allein / sondern bis an der Welt ende.
Vnd das dieser Befehl / dazumal / warhafftig
repetiret vnd widerholet sey / erscheinet auch aus
diesem / das die Euangelisten / vnd sonderlich
Mattheus / diese zwo vnterschiedliche Historien /
in einander ziehen / als were es nür eine etc.

Wenn nu Keiserliche / oder Königliche
C iij Briefe

1019. Galilea.

Mons Thabor.

purum Christo
in Hierusalem
in eo ascendens

*Adhuc in sigillis
viii.*

Briefe datiret werden / so mus man dieselbigen auch mit Keiserlichen / oder Königlichen Sigillen / bekräftigen / wie die gemeine Forma lautet: Datum vnter vnserm / vnd des Reichs gezwiefachtem / grösserm Signet oder Insigel / vnd darüber auch / mit vnterschreibungen vnd Handzeichen / subsigniren. Also hat auch der Son Gottes / das Göttliche Mandat / sein Euangelium / allen Creaturen zu predigen / bekräftiget / mit seinem / vnd seines Reichs gezwiefachtem Signet / Das ist / durch die hochwürdigen Sacramenta / beide der heiligen Tauffe / vnd seines heiligen Abendmals / dadurch eines jeden Menschen hertz vnd Gewissen / in sonderheit des Euangelischen Trostes vnd zusagungen zuuorgewissern / wie er hie saget: Teuffet sie / in dem Namen des Vaters / vnd des Sons / vnd des heiligen Geistes.

*Im Sigilla.
Lxx*

*Pontifex maximus
sua sigilla
communis*

Vnd diese Sigilla / heissen vnsern HERRN Christi Sigilla / von des wegen. Denn keine Creatur im Himel / vnd vff Erden / hat macht aus eigener gewalt / Sacramenta ein zu setzen / ab zu thun / zu endern / zu verkleinern / oder zuuorgrössern. Denn das der Römische AntiChrist / vnsern HERRN Christi Insigel / verkleinert / verfälschet / vnd seines gefallens verendert / Auch dem HERRN Christo / falsche / erdichte Sigill nachgrebet / Müncherey / Kappen vnd Platten / dieselben dem Sacrament der heiligen Tauffe / gleich achtet / oder auch wol vorzenhet / In dem thut er als ein Ertzbube vnd Böswicht. Derhalben denn auch / wie einem solchen Böswicht /
von

von Rechts wegen / die augen ausgestochen wer-
den: Also sind auch vmb dieses Bubenstücks
willen / dem gantzen Bübischen / das ist / Bepstia-
schen Reich / vnd allen desselbigen verwandten
vnd anhang / von Gott selbs / die augen ausge-
stochen vnd geblendet / Das sie ire eigene schande
vnd schelmstück / vnd widerumb auch dieser heil-
samen Lere vnd Sigill / krafft / nutz vnd wir-
ckung / nimmermehr sehen / hören noch befinden /
Wie von jnen gesagt wird / Esa. 6. Excaca cor po-
puli huius. Vnd 56. Alle ire Seher / sind blind.
Vnd Matth. 15. Lasset sie faren / sie sind blind /
vnd Blindenleiter. Wenn aber ein Blinder den
andern leitet / so fallen sie beide in die graben.

vch. eff. d. k.

Darnach heissen sie auch Zeichen oder
Sigil des Reichs vnsers Herrn Ihesu Christi /
Darumb das er dieselbigen seinem Reich / seiner
Kirchen / seiner Braut / seiner Gemahl geschanckt
vnd vbergeben hat. Denn gleich wie ein Köni-
ginne oder Fürstinne nicht allein jr angeborne
Insigil füret / Sondern sie dupliret / schmücket /
vnd zieret dasselbige / mit jres Herrn vnd Ge-
mahlen Wapen / das eines draus wird: Also
wird die Gemahl Christi / die liebe Kirche / ob sie
schon jrer geburt halb nichts gutes im Schilt fü-
ret / dennoch von irem Gemahlen Christo / mit
diesen herrlichen Regalien vorehret / das sie die
Gnadenzeichen vnd Sigil jres Herrn / als ire
eigene Sigilla füret. Darumb jr denn auch bey
jren Ehren / trewen vnd Gewissen / widerumb ge-
büret / das sie jres geliebten Herrn Wapen / als
ein

*Sigilla regni
Christi*

Signum factum

ein Bandzeichen / lieb vnd werd habe / niemand
gestehe dasselbige zu endern / oder zu vnehren / so
lieb als jr lieber Herr vnd Gemahl / vnd alle
desselbigen Freundschaft / Ehre vnd herrligkeit
ist.

Subscriptio.

Dieses Göttliche Mandat unterschrei-
bet nu der Son Gottes / mit einer neuen
Euangelischen Promission / Siehe / ich bin
bey euch alle tage / bis an der Welt Ende / Damit
er der blödigkeit der lieben Jüngern vnd Apo-
steln / gegen diesem hohen werck / krefftiglichen zu
hülff kumpt / Vnd darneben zu gleich mit ratifi-
cirt vnd bekrefftigt / Aller deren Lere vnd predigt /
diesich bis ans ende der Welt / vff dis Mandat be-
ruffen / vnd dasselbige hin vnd wider / in der Welt
predigen / verlesen / vnd ausschreien werden /
Vnd wil / das man den selbigen nicht allein vmb
des abwesenden Christi willen / zur rechten hand
Gottes im Himel / sol stat vnd glauben geben /
Sondern verheisset auch / er wolle bey denselbi-
gen für vnd für gegenwertig / vnd also gegenwer-
tig vnd nahe sein / das er all ire gedancken / Wort
vnd Zungen regieren / treiben / leiten / vnd führen
wölle / das jr gantz Ministerium / sol des gegen-
wertigen Herrn Christi Ministerium heißen vnd
sein. Alle ire wort / sollen seine / vnd Gottes des
heiligen Geistes / wort heißen vnd sein / laut vnd
krafft dieser vnterschreibung / vnd wie er sonst
offt sagt: Wer euch höret / der höret mich. Wer
euch verachtet / der verachtet mich / vnd den / der
mich gesand hat. Item / Ir seids nicht / die da re-
den /

den / sondern ewers Vaters Geist ist es / der durch
euch redet. Vnd abermal / Wie mich mein Him-
lischer Vater gesand hat / also sende ich euch.

Der Euangelist Marcus / sezt endli-
chen auch die Handzeichen / damit der
Herr Christus dieses Mandat subsigni-
ret hat. Denn wie vorzeiten in trefflichen Hand-
lungen / die löblichen alten Keiser / ire Briefe mit
sunderlichen Handzeichen (in welchen etwan
ire Namen oder Keimen / in einander / durch sel-
tzame Buchstaben / wunderlichen geschrenckt)
zu mehrer sicherheit / mit eigener Hand subsignir-
ten / Also sagt Marcus : Die zeichen aber die da
folgen werden / denen die da glauben / sind die : In
meinem Namen werden sie Teuffel austreiben /
mit neuen Zungen reden / Schlangen vertrei-
ben / Vnd so sie etwas tödliches trincken werden /
wirds jnen nicht schaden / Auff die Krancken wer-
den sie die Wende legen / so wirds besser mit jnen
werden etc. Denn wie die Egyptischen Zeuberer /
von den Zeichen sagten / die Moses vor Pharaone
thete / Digitus Dei est hic. Das ist Gottes Finger /
Exod. 8. Also hat auch Gott / durch dieser Zeu-
gen ministerium / vor der gantzen Welt gewaltig-
lichen mitgewirckt / vnd das Wort mit nachfol-
genden Wunderzeichen / als zeugnissen seiner ge-
genwertigen Hand / von der Apostel zeit an / fast
in drey oder vierdhalb hundert Jar / bekräftiget /
Denn dieselbigen zum teil auch / noch zum zeiten
Ambrosij / Augustini / Jacobi Episcopi Antioche-
ni / im schwang gegangen. Vnd das sey von dem
D ersten

*Miracula Chri.
vnt 1591 in
4 Centmann
cap. 1. f. 1. v.*

ersten Stück / nemlich von diesem herrlichen Man-
dat / nicht Keiserlicher oder Königlicher / sondern
Göttlicher / allmechtiger Maiestet gesaget.

Das ander Stücke.

Von der Frucht vnd nutzbarkeit der Predigt
des heiligen Euangelij / vnd dieser heili-
gen Ceremonien / der Christ-
lichen Tauff.

Der Euangelist Marcus / fasset den
nutz der Predigt des Euangelij / vnd der
heiligen Tauffe gar kurtz / ja er begreiffet
alles mit einem einigen Wort / vnd spricht: Wer da
glaubet / vnd getaufft wird / der sol selig werden.
Das ist / Alle Menschen / die aus der Predigt des
Euangelij / den Herrn Christum erkennen / an ih-
n glauben / vnd solchen Glauben / durch betrach-
tung dieses ewigen / vnwandelbaren / vnd vnbe-
weglichen Bundes der Tauffe stercken / vnd in
ihnen bekrefstigen / die sollen vergebung aller irer
Sünden / vnd den heiligen Geist haben / Sie sol-
len der ewigen Gerechtigkeit für Gott / vnd des
ewigen Lebens / so war vnd gewis im hertzen
versichert werden / als Gott warhafftig ist / der
solches vff diese weis geordnet / vnd befohlen
hat / Denn dieses ist bereit des ewigen Lebens
anfang / das sie dich erkennen / das du warer
Gott bist / vnd den du gesand hast / Ihesum / das
er Christus sey Johan: 17.

Sanct

SInet Paulus aber zum Galatern am 3.
 spricht diese nutzbarkeit mit mehrern vnd herr-
 lichern Worten aus / vnd sagt erstlichen: Ir
 seid alle Gottes Kinder / durch den Glauben an
 Ihesum Christ. Was aber das für eine Ehre
 sey / aus einem verdampften Menschen / der in
 Hellschen feuorflammen / ewig solte torquirt
 vnd gemartert werden / errettet / vnd zu ein Kinde
 Gottes vffgenommen / vnd des Tittels teilhafftig
 werden / den der ewige Son Gottes füret / dessel-
 bigen Mitbruder / vnd Miterbe in Himlischen
 gütern / vnd seines ewigen Vaters Mitkind ge-
 nennet werden / Das ist freilich so hoch / das es
 aller Engel zungen / wenn sie vns gleich gegen-
 wertig / alle dauon zeugten vnd predigten / nicht
 erreichen oder aussprechen köndten / Wir Men-
 schen könnens viel tausent mal weniger begreif-
 fen. Denn kein ohr / hat die herrligkeit der Kin-
 der Gottes gehört / kein auge gesehen / vnd ist in
 keines Menschen hertz komen / Esa. 64. 1. Cor.
 2. Kan auch in diesem leben / nimmermehr aus-
 speculiret werden / wie Johannes sagt: Meine
 lieben / wir sind nu Gottes Kinder / vnd ist noch
 nicht erschienen / was wir sein werden / 1. Johan-
 nis 3.

Denn ist Gott vnser Vater / So ist freilich
 auch beständige / vn bewegliche liebe im Väterli-
 chen hertzen Gottes gegen vns / Ja solche liebe /
 die so viel tausent mal vbertrifft / grösser / reiner
 vnd hitziger ist / denn der natürlichen Eltern an-
 geborne liebe / gegen ire Kinder (die denn vnter-
 weilen voller torheit ist) Wie viel tausent mal der

D ij Dimel /

Vñ bairer
 Vorsteher
 Dli.

Do: amor gn
 nos in infan.
 le in xpo hit
 parvulis in
 amoris gn
 u bonos.

Himmel / edler denn die Erde / vnd Gott edler /
denn Menschen vnd alle Creaturen ist / Wie der
Apostel sagt / welcher der rechte Vater ist / vber
alles / was Kinder heisset in Himmel vnd vff Er-
den. Ja so gehöret freilich auch von Rechts
wegen / endlichen zu vns / alles was Gottes ist
in Himmel vnd vff Erden. Zu welchen Gütern
allen / wir denn bereit in diesem leben / einen Erb-
lichen zutritt / vnd rechtliche anforderung ha-
ben / von der Kindschafft wegen / durch Chris-
tum / on allein / das wir der erblichen Possess /
bis zu vnsern mündigen Jaren / in gedult vnd
hoffnung erwarten müssen / Rom. 8. Wir sind
wol selig / doch in der Hoffnung / Denn wir war-
ten sein in gedult etc.

*Sod gd / vnat geron
Thilman.*

W möchte jemand sagen: Was hilfft aber
vnter des die Kinder Gottes dieser Tittel hie vff
Erden? Ich sehe wol wie es gehet / je grösser
Schalck / je besser glück / je lieber Kind / je scherf-
fer Kute / Vnd pflegen zwar vnterweilen auch
wol der allerbesten Leut / Regenten vnd Lerer
Kinder / in grossen vnfall vnd verachtung zu ko-
men / So ist Christus gegen Himmel gefaren /
wir arme Würmlin stecken allhie im elende /
exuliren in armut / trübsal / vnd aller widerwer-
tigkeit / vnser nimpt sich niemand sonderlichen
an / sondern scheint viel mehr / als weren wir mit
diesem rhum vnd Tittel / von Menschen / Gott
vnd allem heil verlassen: Dierauff antwortet
Paulus zum andern ferner / vnd wie Christus hie
spricht: Ich bin bey euch alle tage bis an der
Welt ende / Ich kan euch nicht Waisen lassen /
Also

Also sagt er / Denn wie viel ewer getaufft sind /
die haben Christum angezogen. Das ist ein treff-
liche frucht / vnd herrligkeit der heiligen Tauff.
Denn erstlichen haben sich alle / die da getaufft
sind / der herrligkeit vnd Gerechtigkeit Christi
teilhaftig gemacht / vnd also in dieselbige ge-
schmücket / vnd verkleidet / Esaie 61. Das ire sün-
de für Gottes angesicht vordeckt / vnd nichts
denn eitel Heiligkeit / vnd Gerechtigkeit an inen
gesehen wird / Welche Gerechtigkeit vnd Heilig-
keit denn aus dem hertzen vnd Geist derselben
Menschen / auch in das eusserliche leben / vnd alle
geberde heraus bricht vnd leuchtet / das daran
die Kinder Gottes auch eusserlichen von jeder-
meniglichen an irem Heiligen wandel erkand
werden / Wie geschrieben stehet: Daran wirds
offenbar / welche die Kinder Gottes / vnd die
Kinder des Teuffels sind / 1. Johan. 3.

Darnach hat er sich mit inen auch der-
massen vereiniget / das er durch seine gegenwart /
im hertzen / innerlichen trost erwecket / hilfft selbs
das Creutz tragen / vnd verleihet seinen geplag-
ten Brüdern / im trübsal / einen freidigen mut /
das sie vmb seinet willen / der trübsal vngern ent-
nomen / noch bessers zu haben begeren / denn
Gott wil.

Endlichen haben sie in auch also angezo-
gen / das er in diesem eusserlichen leben / auff's al-
ler genawest vnd nehest / für vnd für / tag vnd
nacht / warhafftig vnd gegenwertig / vmb vnd
bey inen ist / sie bewaret / bewachet / verschantz /
mit einer Wagenburg sich vmb sie her lagert /

D iij das

*Actus fidei Bapti:
Sunt.
Induimus Christum.*

per hunc oculum

*Justificatio et sancti-
ficatio in v.
apparet.*

*Unius /
Christum
sunt.*

Nabelding

Das der alte / stoltze / vbersichtige / hoffertige
Esel / der Teuffel / sie in Christo verwaret / nicht
sehen / antasten oder beleidigen kan / Sondern
das sie sich für im vn sichtbar machen / vnd in
dem Herrn Christo / als in einer Nebelkappen
verborgen / den geblendten / groben / tölpischen
vnd zornigen Polyphemum trotziglichen verach-
ten / all sein rasen / zürnen vnd wüten / verlachen /
hönen vnd spotten können / von des gegenwertig-
gen Christi wegen / der inen vnd vns allen / war-
hafftighen neher ist / denn die Kleider / die wir
an vnsern Hals gezogen / vnd vmb vnsern Leib
gegürtet haben / sintemal wir in seinem Leib vnd
Mutter / verschlossen vnd getragen werden / Esa.
46. Vnd wie Taulerus sagt / welcher vns neher
ist / denn der Mensch im selber ist / vnd denn Leib
vnd Seel / im Menschen einander sein können /
Sintemal wir in im / er aber in dem innersten
vnser hertzen wonet. Vnd ist diese gegen-
wertigkeit / nicht eine vergengliche / sondern eine
beharrliche / wehrhaffte / tegliche / ja eine ewige
vnd stete gegenwertigkeit / vnd weret alle tage /
wie er hie saget / bis an der Welt ende. Denn wie
Christus nimmermehr ableget / vnd verlesset die
Menschlich natur / so er ein mal an sich geno-
men / Also höret er auch nicht auff / bey den Men-
schen zu sein / mit inen vmb zu gehen / vnter inen
zu wonen / seines hertzen lust an inen zu haben /
Wie geschrieben stehet: Delitiae meae, esse cum filiis
hominum, Prouerb. 8. Mein lust ist / bey den Men-
schen Kindern zu sein. Vnd Psalm. 16. An des-
nen habe ich all mein gefallen.

22er

Aber da begegnet vns nun allen / der
schendliche gemeine gedanck / vnd gegen-
wurff. Ja / wenn ich so / vnd so ein grosser
Sünder nicht were / dis vnd jenes nicht gethan
hette / so dürffte ich mich vielleicht dieser gegen-
wertigkeit / gewalt / vnd holdseligkeit des HERRN
Christi auch trösten / Aber lieber HERR Gott /
es ist zu gros / zu viel / zu oft vbermacht etc. Die-
sen gedancken begegnet nu zum dritten Paulus
gar herrlig / vnd spricht: In Christo Ihesu ist we-
der Jude / noch Griech / weder Man noch Weib /
weder Knecht noch Freier / vnd also auch weder
Kleiner noch grosser Sünder / sondern jr seid allzu-
mal EINER in / damit er denn alle Prosopole-
psiam / vnd ansehung der Person / vnd die grösse
der Sünden vnd vbertrettung vffhebet / Als wolt
er sagen: Lieber las Sünde sünd sein / sie sey
Klein oder gros / so du begangen hast / vnd fülest /
vnd bekümmer dich damit nicht zu seer. Damit
aber solt du dich bekümmern / das du das Euan-
gelium hörest / an Christum glenbest / vnd durch
die heiligen Sacramenta in anziehest / Ist denn
die Sünde gros / so du fülest / so ist hie ein Sün-
denbad / ja ein Meer vnd Sindflut / darinnen alle
Sünde ersenffet / vnd ist die Heiligkeit vnd Ge-
rechtigkeit des angezogenen Christi / durch die
Tauff noch grösser / So ist der Wechsel / Gott lob
vnd danck / vnser / vnd vns aus gnaden vnd vmb
sonst one verdienst vmb Christi willen angebo-
ten / vnd geschanckt / Also / das deine grosse Sün-
de / sollen Christi Sünde / vnd seine vberschweng-
liche heiligkeit / sol deine heiligkeit heissen vnd
sein /

Sad. Simprou.
lor.

R.

Sündenthat

Christi sanctitas
sanctitas



Quia unus sumus
cum Christo.

In Christo unum sumus
et iusti, licet
imbecillitas adhaerens
vni glori.

Si cum Christo unum
et cum Deo patre
et s. s. unum.

Joh. 17.

Haec unum est
conspicuum magis
vobis sua morte et
sanguine.

Facit ut sanctitas Christi pro sua passione et morte eius, quia hic
suis pro eius fructu ut similis illi cruciatibus. Nam si non esset mortuus
nihil nobis proficiet Christi sanctitas, ut iam proficiet nobis nisi cum
oportuit. Contra si non fuisset sanctus et purus ab omni peccato, nec mors
eius pro nobis conderet, quoniam si non fuisset sacrificium Deo gra-
tiam, quia Deo accepta et pura et sancta sacrificia, et sic est mortuus

sein/Ursach/denn du bist nu eins/einig/vnd eiz-
ner/mit/vnd in Christo Ihesu/in welchem sind
nicht grosse vnd kleine Sünder/sondern eitel heil-
lige vnd gerechte/vmb seiner vberschwenglichen
heiligkeit vnd gerechtigkeit willen/durch welche
einer so gut als der ander/gemacht wird/Alle
zu gleich aber aus gnaden/gerecht gesprochen
vnd gerechnet/ob sie gleich Sünder sind/vnd
der anklebenden Sünde/in diesem verderbten
Fleisch/nicht los werden können/Wie Johan-
nes sagt: Von seiner fülle haben wir alle geno-
men/gnade vmb gnade/Johan. 1. Vnd Pau-
lus/Wo aber die Sünde mechtig worden ist/da
ist die Gnade viel mechtiger worden/auff das die
Gnade herrsche/durch die Gerechtigkeit zum
ewigen Leben/durch Ihesum Christ/Rom. 5.

Wd man nu also mit dem WErn Chris-
to/eins vnd einer ist/da ist man auch mit Gott
dem Vater/vnd dem heiligen Geist/eins/vnd eiz-
nig/Wie denn solche einigkeit mit Gott/Chris-
tus durch sein brünstig vnd starck Gebet/vns er-
worben/da er sprach: Ich bitte aber nicht für
die Apostel allein/sondern auch für die/so durch
jr Wort an mich glauben werden/auff das sie al-
le eins sein/Gleich wie du Vater in mir/vnd
ich in dir/das auch sie in vns eins sein/Johan.
17. Ja solche einigkeit vns zu verdienen/hat er
sein Leib vnd Seel/Ehre/Gut vnd Blut/dar-
an gesetzt.

So sehen wir / wie fein in dem HErrn
 Christo zusammen komen / die zwene aller
 schönsten Rühme vnd Helden Tittel /
 Erstlichen vnbegreifliche Krafft / gewalt vnd all-
 mechtigkeit / Davon im ersten teil gesaget: Dar-
 nach vnaussprechliche Demut / Barmhertzig-
 keit vnd Holdseligkeit gegen die Menschen / Wie
 denn in allen trefflichen Naturis Heroicis / das
 ist / in allen Grosmutigen Helden / die Gott je-
 mals erwecket hat / diese zwo tugenden / GROS-
 MUT / vnd DEMUT in aller HOLDSE-
 LIGKEIT beisamen gewesen / vnd neben ein-
 ander geleuchtet haben / auch in den Heiden. Als
 da der Held zu Troia Hector itzund sein Rüstung
 vber den Leib geworffen / vnd vffsitzen wil / wie-
 der die Feinde zu reiten / Gehet er zuorn in der
 Rüstung / in sein Frawenzimmer / gesegnet sein
 Gemahl / vnd derselben verwandte Gespielen /
 Nimpt sein Sömlin vff die Armen / hertzet vnd
 küsst es / vnd dringen jm die Thränen vber die
 Wangen / da er von jnen scheiden sol / Denn von
 solcher armen Weib vnd Kindlin wegen sol man
 Kriegen / vff das dieselbigen in ruge vnd friede
 mögen erzogen werden. Hilff Gott / wenn dis ein
 vnflätiger Schnarcher gesehen hette / wie itzund
 etliche vnserer Kriegshummeln sein / wie würde
 er gelacht haben: vnd gedacht / Was ist das für
 ein Memme / der in voller Rüstung steckt / vnd
 tritt aller erst ins Frawenzimmer / hertzet vnd
 küsst sich mit Weib vnd Kindern. Do er aber
 für den Man kumpt / da beweiset er die Gilden
 Kunst / schmeisset in die Feinde / als were er vol-

*In Christo conueniunt
 duos magnos Hero-
 um esse titulos.
 1. Incomprehensibilem
 fortitudinem
 2. Insuperabilem
 humilitatem*

Christus Iustus

*Herois hunc
 miles.*

*Cur in thalamo
 intrat.*

*Per uirum magna
 animitas.*

Ler

*... non solum... Quocirca cum sanctum & iacu...
 ... Deo gratia & uoluntate...
 ... in Christo igne...
 ... inuoluntate...*



ler Dunner vnd voller Teuffel / vnd als hette sein
lebenlang / kein Barmhertzigkeit noch liebe / sein
hertz gerüret / den doch zumorn ein Kind weinen
machte.

In solcher Held war Moses / der kundte
nicht allein Kirchen vnd Gericht / zur friedenzeit
verwalten / Sondern auch mit sechs mal hundert
tausent gemusterten Mannen / zu felde zie-
hen / dieselbigen führen / ordenen / lagern / vnd in
einer furcht vnd zwang halten / Derhalben er
denn Exod. II. mit einem Heldentittel gezieret /
vnd vir magnus ualde in terra Aegypti, coram seruis
Pharaonis, & in omni populo, gerhümet wird / Vnd
ist doch darneben ein fromer / sittsamer / freundli-
cher / barmhertziger / vnd ein wolgeplagter Man
gewesen / sein lebenlang / Wie Nume. II. geschrie-
ben stehet: Erat enim Moses uir mitissimus super om-
nes homines, qui morabantur in terra.

In solcher Held war David / der durffte
in seiner jugent / da er noch ein Knabe war / den
Riesen Goliath angreifen / mit dem sich keiner
aus dem gantzen Feldlager Sauls / beriechen
durffte / Also / das Saul auch selbs zweinelt vnd
sagt: Was wiltu machen? Du bist ein Kind ge-
gen diesem starcken / vnd woluersuchten Helden.
Aber David antwort vnerschrocken: Lieber / es
entfalle keinem das hertz / vmb dieses Schnar-
chers willen / Ich habe wol so grosse Ehre einge-
leget / als diese mag sein. Einen jungen Lewen /
vnd einen Beren / habe ich vff ein mal erwürget /
vnd ein Schaf aus iren Nachen errettet / 1. Re-
gum

gum 17. Dernacher aber / da sein Son Absolon
erwürget ward / der doch ein böser / mutwilliger /
vnd auffhüriger Schalck war / wil er sich zu to-
de weinen vnd klagen / Ah mein Son Absolon /
mein Son / mein Son Absolon / wolte Gott / ich
müßte für dich sterben / O Absolon / mein Son /
mein Son / 2. Reg. 18.

Also malet Marcus den Son Gottes auch /
welcher ob er wol ein Heros / vnd Held vber alle
Helden ist / sich dennoch der armen vnuermügli-
chen Kindlin nicht schemet / sondern heisset diesel-
bigen zu sich tragen / hertzet vnd küßet sie / leget die
Hende vff sie / vnd segnet sie / vnd wird vnwillig
vber alle die / so sie nür sawer ansehen / Mar. 10.

Vnd ist in summa / wie Seneca sagt: Nihil
magnum, quod non est placidum. Die gewolichen
Schnarcher / die daher ziehen / vnd sind zuludert
wie die Teuffel / vnd denen kein freundlich wort
aus dem maul gehet / die beissen den Fuchs nicht /
sondern wens ans treffen gehet / so lassen sie sich
eine Blase voller Erbeisen verriagen. Denn eben
das verzagte Weibisch hertz / das sie in irem Bu-
sem tragen / wollen sie mit gewolicher / gresli-
cher Kleidung vnd gestalt / vnd mit dem erschre-
cklichen fluchen vnd Gottslestern / verdecken /
Wie die itzigen Gartbrüder / dafür sich nür die
armen Weiber vnd Kindlin vff den Dörffern für-
chten / vnd die keinem ehrlichen Man / vnter angē
dürffen treten / On allein / das sie mit dem maul
frech sein / vnd schnarchen / bis sie sich endlichen
zu tod / vnd mit dem Teuffel in abgrund der
E u Hellen

absolon

*2. Reg. 18.
meine son
vnd ich
absolon*

*Seneca
Thyestes*

*gewolichen armen
weibisch hertz
kind*

Wellen schnarchen / Denn der Teuffel ist auch
ein solcher Schnarcher / vnd ist nichts darhin=
der.

Aber hie in diesem Helden / ist die aller
größste Krafft vnd gewalt / vnd darneben die al=
ler niedrigest vnd tieffeste Freundlichkeit / Holdse=
ligkeit vnd Demut / mit einander vereiniget / vnd
in ewigkeit vereiniget / Darumb er denn alle Welt
vermanet / diese Tugend von jm allein zu lernen:
Nemet vff euch mein joch / vnd lernet von mir /
denn ich bin sanfftmutig / vnd von hertzen demu=
tig. Vnd ist alle dieses Herrn gewalt vnd all=
macht / im grund vnd warheit / allein dahin ge=
richtet / das durch dieselbige / nur viel Menschen
vff Erden / seiner hulde vnd freundschaft / möch=
ten teilhaftig gemacht werden / Wie die Philo=
sophi sagen: Bonum est communicatum sui.

Vnd darumb wird dieses Frewlin itzund
auch dem Herrn Christo / vff seinen Befehl zu=
getragen / vff das sie heute vff diesen tag / nach
den Worten Pauli / auch ein Kind Gottes wer=
de / vnd ziehe den Herrn Christum / als jren
schönsten vnd herrlichsten schmuck vnd Kleinot
an / werde eins vnd einig mit Gott / vnd in die
Erbschaft des ewigen Lebens / sichtbarlichen
vffgenommen / Dazu jr denn Gott / seinen heiligen
Geist vnd gnade verleihen wolle. Vnd so viel
von der nutzbarkeit der heiligen Tauffe.

Das

Das dritte Stücke.

Was sollen wir denn vnserm lieben HErrn
Christo / für diese grosse Herrligkeit / wide-
rumb zur danckbarkeit zu erzeigen/
verpflichtet / vnd schül-
dig sein?

Sas fasset der HERR allhie auch
kurtz mit diesen Worten: Vnd leret
sie halten / alles was ich euch befohlen
habe. Er sagt nicht / thut / was euch ewer eigener
Mutwil / vnd Fleischliche luste / vnd der Teuffel
einblasen / vnd heissen wird. Denn demselbigen
entsagen wir / vnd verleugnen in in der Tauff/
Wie die Wort lauten / Entsagestu dem Teuf-
fel? Ja / Vnd allem seinem wesen? Ja / Vnd al-
len seinen wercken etc. Auch nicht / was euch die
Welt wird leren / denn dieselbige ist des Teuffels
Reich / vnd weis derhalben auch nichts anders
zu leren / denn Abgötterey / verachtung Gottes /
des Predigampts / vnd der diener des Worts /
vngheorsam / hoffart / zorn / mord / vnzucht /
geitz / eigennutz / lügen / vnd |geschwinde Rencf
vnd Weltpractiken / deinen Nächstten zu vberfor-
teilen / vnd vff deinen hauffen allein zu scharren /
vnd zu kratzen.

ER heisset vns auch nicht lernen / noch
halten / was der Römische AntiChrist / der
Türkische Alcoran / das Jüdische Thalmud /
die Widerteuffer / Sacramentirer / vnd ander
L iij Teuffels

mundig 24 d. 4. 1. 5.

*Sacramentarii sunt
qui de sacramentis
non loquuntur et sen-
tunt. ut de sacra-
mentis licet loqui.*

Teuffels geschwärm leren / Sondern allein/
Was ich euch befohlen habe / sagt er.

Was ist denn kürzlichen die Summa / der
Lere / die Christus hinder sich verlassen /
vnd allein zu halten be-
fohlen hat ?

Erstlichen sehen wir / das Christus die
Person ist / die vns den Vater zeigt / vnd
das seine Lere nur ein stete Zeugnis sey von
seinem Vater / welchen kein Mensch gesehen hat/
jemals / Derhalben denn auch kein Mensch ei-
niges wort vom Vater reden / oder gedenccken
kan / es sey denn / das er es zuorn vom Sone /
Als von des Vaters gesandten Legaten / vnd
Dratorn / gelernet habe. Denn in / vnd durch den
Son allein / wird der Vater / vnd die gantze Gott-
heit erkand / Wie er sagt / Philippe / Wer mich si-
het / der sihet den Vater. Darumb müssen wir
erstlichen aus den Predigten Christi lernen Gott
erkennen / was er sey / vnd wie er sich in dreien
vnterschiedlichen Personen geoffenbaret habe /
vnd das kein anderer Gott sey / denn allein dieser
einige / der da ist / vnd heisset Gott Vater / Son /
vnd heiliger Geist / wie die Personen allhie genen-
net werden / vnd zuorn in der Tauff Christi /
vnd vffm Berge Thabor sich haben hören / vnd
sehen lassen / dauon in den vorigen Tauffpredig-
ten gesaget ist. Vnd darumb nennet auch Chri-
stus selbst hin vnd wider seine Lere / ein zeugnis
von

von seinem Vater / Johan. 8. Ich ehr meinen
Vater / vnd wie mich mein Vater geleret hat / al-
so rede ich. Vnd Capit. 12. Ich habe nicht von
mir selbst geredet / sondern der Vater der mich
gesand hat / der hat mir ein Gebot gegeben / was
ich reden vnd thun sol / vnd derselbige Vater der
in mir wonet / thut die werck / Johan. 14.

Wd aber das erkenntnis Christi im hertzen
ist / da erregt vnd erwecket zugleich der heilige
Geist / durch das Euangelium rechtschaffnen
Glauben / vnd einen freidigen zutrit durch Chri-
stum zu dem Vater / für welchem wir vns alle
zuuor / vnd ehe wir zum erkenntnis Christi komen /
fürchten / entsetzen / vnd fliehen / vnd wissen nicht /
wie wir mit jm dran sein / Ja habē vns / wie Adam
nach dem fall / nichts / denn zorns zu jm zuuorse-
hen / von wegen der Sünden / so in vnserm eigenen
fleisch vnd blut wider vns zeugen. Vnd mit die-
sem Glauben werden zugleich im Menschen an-
gezündet / innerlicher newer gehorsam / war-
hafft vnd ernstliche liebe vnd anruffung Got-
tes / rechtschaffene danckbarkeit / Gottes furcht
vnd demut / in glück vnd wolfart / gedult in trüb-
sal / vnd vnterm Creutz vnd tod / hoffnung der
endlichen seligkeit / vnd alle innerliche / Geistliche
Gottesdienst im hertzen / so wir der ersten Tafel
schuldig sind / Jedoch alles in diesem Leben nur
anfenglichen / stückweis / vnd nicht vollkommen /
I. Corinth. II.

Endli-

*Erweckung des H. Geistes
in unserm*

*Seit mehr Diktion
proxi.*

*Vermeidung des Fleisches
am*

Endlichen / wenn nu Gott der heilige
Geist / durch die Predigt des Euangelij /
das hertz also eingenomen / vnd innerliche
Gottesdienst darinnen erwecket vnd angezündet
hat / Wie er sie denn in den hertzen aller Kinder
Gottes / in diesem leben / erwecket vnd anzündet:
Als denn wechsset aus diesem innerlichen guten
Bawm / auch die eusserliche gute Fruchte / nemlich
chen / die Liebe gegen den Nechsten / die da zeuget
von dem guten inwendigen safft / krafft / art vnd
natur / so im Bawm verborgen ist / aus welchem
diese Fruchte / als eusserliche empfindliche zeug-
nis inwendiges safftes / vnd guter zamer art /
ersprissen vnd wachsen / Wie droben auch gesagt
ist / das die Kinder Gottes daran offenbar wer-
den für den Menschen.

Widerumb so sind auch die wercke des
Fleisches offenbar / Gala. 5. Denn wo einer da-
her zeuget / vnd ist zuloddert / das sich ehrlieben-
de Leute / für im entsetzen / da wonet gewislichen
auch ein loser / leichtfertiger Geist im hertzen / der
wil vnd kan darinnen auch nicht verborgen li-
gen / sondern bricht heraus / vnd gibt sich auch
an seinen Federn vnd Fruchten zu erkennen. Des-
gleichen / wo man sich grosser / inwendiger heil-
igkeit vnd frömigkeit / vermisset oder rhümet /
vnd beweiset dieselbige nicht mit nachfolgender
eusserlicher gerechtigkeit vnd heiligkeit / Sondern
lebet in Abgötterey / heucheley / geitz / hoffart /
zorn / fressen / sauffen / Hurerey / Gotteslesterun-
gen / vnd andern Sünden / da darff man sich ni-
mermehr keines Christen vermuten / Denn da ist
im

im grunde nichtes / denn ein spötter / ein treulo-
ser Eid vnd pflichtuergessener Teuffel im Her-
tzen / der sich ein zeitlang / auswendig mit wor-
ten schmücket / vnd das Gottlose hertz / dennoch
in die lenge nicht verbergen kan / Sondern es
mus heraus brechen / vnd offenbar werden / hie
in diesem leben / für den Menschen / durch den
sündlichen wandel / vnd endlichen in jenem leben
für Gott / Engel / Menschen vnd Teuffeln / am
jüngsten Gerichte / Wie der Herr sagt: Es ist
nichts verborgen / das nicht offenbar werde /
Luce 12.

Vnd ist also die summa alles des / das
Christus befohlen hat / Das man Gott vnd
Christum erkenne / im gleybe / vnd des zum zeug-
nis / die Brüder liebe / vff das man daran erken-
ne / das wir Christi Jünger sein / welcher denn
eines aus dem andern / wie die Frucht aus dem
Bawm wechset.

Vnd ist derhalben das Hochwürdige Sa-
crament der heiligen Tauffe / ein solch verbünd-
nis / zwischen Gott vnd dem Menschen / der im
Namen / das ist / an stat vnd aus befehl Gottes
des Vaters / Sons vnd heiligen Geistes / durch
den Diener Gottes getaufft wird / in welchem der
Getauffte / bey seinen Ehren / trewen vnd waren
worten / ja bey seinem Gewissen vnd Seelen Fe-
ligkeit / der heiligen Dreifaltigkeit / in gegenwer-
tigkeit vieler Engel vnd Menschen angelobet /
zusaget vnd verspricht / Er wolle sich des erkent-
nis Gottes / mit allem ernst / vnd für allen dingen
anmassen / Wie er denn darauff $\epsilon\iota\varsigma \ \acute{o}\nu\omicron\mu\alpha$ / wie es

¶ hie

*Summa alles des
von Christus.*

*Quod hie
Baptismus.*

hie stehet / in Nomen / das ist / in / oder vff den
Namen / vnd vff das angelobte erkentnis Got=
tes getaufft wird / vnd verheisset / sein lebenslang
sich nach des D^{er}rn Christi namen / einen Chri=
sten nennen zu lassen / sich seiner nicht zu sche=
men / von jm nicht abzufallen / sondern gutes vnd
böses / mit jm / vnd von seines Namens wegen /
zu dulden / die zeit seines lebens / sich in solchem
Erkentnis / Glauben vnd Liebe des Nächsten /
Kitterlichen zu vben / vnd mit gutem Gewissen
für jm zu wandeln.

D^{ar}rauff verspricht Gott demselbigen Men=
schen / der sich in dis verbündnis / vertrag vnd
vereinigung einlesset / vnd seinem allerliebsten
Son / zu trewen diensten ergibet / sein Göttlich
huld vnd gnade / schutz vnd schirm / vnd gemein=
schafft aller ehren / vnd herrlichkeiten seines
Sons / So fern der Mensch sich nur nicht lesset
widerspenstig / vnd von Gott abwendig machen.

Vnd vff solche Artickel folget denn die
sichtbare Ceremonia / in welcher der Mensch zum
zeugnis dieser zusage / vnd der gegenwertigen
Dreifaltigkeit / dreimal mit Wasser begossen
wird / vnd Gott mit Namen ausdrücklich genen=
net wird / vnd mit der Menschen hand einschlecht /
Vnd wird also von beiden seiten solches alles
stet / fest / ewiglich / trewlich / vnd one gefehr / ein=
ander zu halten / gleichsam mit Hand vnd mun=
de angelobet / wie es in stipulationibus gebreuchli=
chen ist. Derhalben denn der Apostel 1. Pet. 3. die
Taufe / *ἐν ὀνόματι τοῦ θεοῦ* / eine solche stipulationem
nennet /

ligkeit vnd gerechtigkeit / nach den zehen Geboten Gottes / als ein Licht / vor den Menschen leuchten lasset. Das habe Ich euch befohlen.

Würde nu darüber in Menschlicher Schwachheit jemand durch die Sünde vberleitet / das hette sein mas / vnd solte diesen ewigen Bund darumb nicht trennen / Denn Gott weis wol / was / vnd wie viel wir gelobet haben / vnd halten können / vnd das seine lieben heiligen auch in diesem leben des tages / wol sieben mal straucheln / fallen / Aber doch wider auffstehen / Prouerb. 24. Darumb er denn auch vmb dieses Bundes willen mit betrübtten / busfertigen Sündern gern gedult haben wil / Allein das sie nicht mutwillig verharren / vnd one alle New / vnd bekerung sich mit den Weltkindern / in allem dreck / vnd vnflut nicht sülen vnd weltzen. Gleich als were die heilige Tauff ein schwemme oder sumpff / darinnen sich die Epicurischen Sew / wenn sie wolten / ein mal schwemmeten / vnd denn fluchs wider in dem nechsten Kot weltzten / vnd aber ein mal schwemmeten. Sondern das sie die Tauff für ein heilig / vnd heilsam Bad der Widergeburt / vnd erneuerung im heiligen Geist erkennen / in welchem man die alten Subenschuhe aus / vnd den Herrn Christum anzeuhet / vnd demselbigen gemes lebet / Ja in diesem Ehrkleid prangenget / vnd stoltziret für den Gottlosen Menschen vnd Teuffeln.

Wenn ein Braut in jren höchsten Ehren / vnd besten schmucke / oder ein Erbar Matron zu Genat

*Das selbige
Folium 41.*

*Ni phinax
singe*

Genatterschafft / oder sonst zu Ehren gebeten /
beneben andern / in iren besten Kleidern / vnd köst-
lichen Klenodien gezieret stünde / vnd rießte sich
gehling von den andern abe / entlieff aus dem
Geprenge vnter ein hauffen Sew / vnd weltzte
sich mit inen mit schmuck / vnd allem heil an der
Erden / vnd in allem vnlust: Würde da nicht
jederman sagen / sie were toll vnd töricht / es were
schade vmb den herrlichen schmuck / den sie an
irem Leibe vnd Walse trüger: Wie viel mehr sind
die für Narren / ja für Meineidige / abtrünnige
Apostate vnd Mammelucken zu achten / die sich
Christen / vnd der Tauffe rühmen / Als weren sie
zum gewissen zeugnis irer Seligkeit / mit dem
Blut Ihesu Christi von allen Sünden gereiniget
vnd gewaschen / Vnd stecken doch ire eigene / mit
dem Blut Christi / wie sie rühmen / gereinigte
vnd geheiligte Gliedmassen / Zungen / Wende vnd
Füsse nichts desto weniger wider alle warnung
Christi / in allerley dreck vnd vnflat / vnangese-
hen / das sie im / für solchem vnlust sich trewlich
zu hütten / in der heiligen Tauff angelobet / vnd
geschworen haben. Darumb mus auch solche
vergessenheit / vnd mutwil aller Gottlosen / vnd
aller Neuchler / damit sie den HErrn Christum
spotten vnd vnehren / in ewiger Hellischer angst /
marter / vnd pein gebüßet vnd gestrafft werden /
Vnd bessers hat sich kein Mensch zutrösten / so
lang er im Gottlosen leben / one Busse vnd beke-
rung fort fehret.

Man kan ja nicht vff ein mal zugleich
des Teuffels / vnd Christi sein / Man kan nicht
S ij zugleich

zugleich vom Teuffel / vnd vom Geist Christi
besessen / vnd getrieben werden / Rom. 8. Glied-
massen des Teuffels / vnd Gliedmassen Christi
sein / Wie Paulus sagt: Wisset jr nicht / das ewer
Leib Christi Glieder sein? Solt ich nun die Glie-
der Christi nemen / vnd Duren glieder draus
machen / das sey ferne. 1. Corin. 6. Summa /
Wer nicht mit mir ist / der ist wider mich.

SO lasset vns nun zum beschlus / in bez-
trachtung dieses aller heiligsten / vnd ewigen
Bundes / vnser eigenen pflicht nach vns zum
Predigamt trewlich halten / Gott vnd seinen
Christum daraus erkennen / vnd dem heiligen
Geist raum geben / rechtschaffnen Glauben vnd
Gottes furcht in vns zu erwecken / Wie er denn
solches in allen trewen vnd vleissigen hōrern des
Worts zu wircken willig vnd begirig ist. So
werden wir vns dieses Bundes auch ewig zu
rūmen vnd zu trōsten haben / Wir werden Got-
tes Kinder heissen vnd sein / den HErrn Chri-
stum anziehen / mit jm vnd seinem Himlischen
Vater / eins / vnd einig sein / Vnd wird der heilige
Geist / auch vnser eusserlich leben / mit heiligkeit
vnd gerechtigkeit / schmücken vnd zieren helfen /
Es wird der Son Gottes / wie er hie saget / alle
tage / bis an der Welt ende / in all vnserm trūbsal /
bey vns sein / all vnser hertzleid hōren / sehen vnd
behertzigen / Denn solte der / der das Auge ge-
schaffen hat / nicht all vnser elend sehen? Vnd der
das Ohre geschaffen hat / nicht all vnser Klage
hōren? Vnd der ander Leute zu Barmhertzigkeit
verma-

vermanet/nicht ewige Barmhertzigkeit / an vns
zu vben begirig sein? Er wird auch an vnserm
letzten ende bey vns sein / vnd vns mit gnaden
ausföhren/vff das wir ein mal / vnd endlichen se=
hen/hören/vnd im werck befinden / wes wir in
diesem elende/durch die Predigt des Euangelij
sind vertröstet worden/ Das verleihe vns
Gott Vater/Son/vnd heiliger
Geist / Amen.

Dancksagung.

Almechtiger/barmhertziger / warhafft=
ger Gott/Vater/Son/vnd heiliger Geist/
Schöpffer Himels vnd der Erden. Wir er=
kennen vnd bekennen/das du allein schaffest / er=
heltest/vnd an dieses Liecht bringest / alle Mens=
schen aus Mutter leibe / durch die Krafft deiner
Göttlichen wort/ ordnung vnd gegenwart / wie
geschrieben stehet: Du hast mich aus meiner
Mutter leibe gezogen/Psal. 22.

Wir dancken dir von gantzem hertzen /
das du vmb deines lieben Sons/vnsern Herrn
Ihesu Christi willen/vnser liebe Landsfürstin/
abermal mit deiner hülffe / vnd krefftiger gegen=
wart entbunden/vnd beide/Mutter vnd Frucht/
bis anff diese stunde / aus gnaden erhalten hast.
Vnd bitten dich ferner / du wollest die gegebene
Leibesfrucht/vmb deines lieben Sons willen/
durch das heilige Sacrament der Tauffe vffne=
men / zu einem Kinde Gottes erkleren / vnd im
gantzen

gantzen Leben / mit deinem heiligen Geist beseli-
gen / regieren vnd führen.

DV wollest dir auch / das alte löbliche
Haus zu Anhalt / welches du so lange zeit / in
Fürstlichen werden erhalten / vnd durch deinen
Geist / mit Göttlichem erkenntnis erleuchtet hast /
getrewlich lassen befohlen sein / Dasselbige zu
deinen ehren / in itzigen nöten vnd schwachheiten /
vnd zu rat / hülff vnd trost der Regiment / vnd ar-
men Vnterthanen / stercken / erbarren / vnd lang
erhalten. Vnd diese deine Lande / Kirchen vnd
Regirungen / durch deinen Göttlichen schutz / für
erschrecklichen verenderungen / falscher Lere / vff-
rhr vnd Tyranny / bey vnserm lieben Lands-
fürsten / vnd iren Leibesfrüchten / nach deinem
Rat vnd besten willen / gnediglich erhalten vnd
bewaren / Durch Ihesum Christum dei-
nen lieben Son vnsern **HERRN** /
A M E N.

S I N I S.

Wh 87

(7.)

ULB Halle

3

001 548 603



TA 200

10A







Von den Letzten

Worten vnfers lieben Herrn vnd
Heilands Ihesu Christi / in dem heil.
ligen Euangelisten
Mattheo

Ein Tauffpredigt vber der Christli-
chen Tauff/des Hochgebornen Frewlins Eli-
zabeth gebornen Fürstin zu Anhalt etc. Gesche-
hen vffm Schlos zu Zerbest / Montages
nach Michaelis / welches war
der 4. Octobris.
im Jar.
1563.

Durch M. Abraham Blich von
Granach Pfarherrn zu S. Bartho-
lomes in Zerbest.

Gedruckt zu Witteberg durch
Lorenz Schwenc.